



REPUBLIKA E KOSOVËS/REPUBLIKA KOSOVA/ REPUBLIC OF KOSOVO
GJYKATA KOMUNALE PËR KUNDËRVAJTJE NË PRISHTINË/ OPŠTINSKI SUD ZA PREKRŠAJE U
PRIŠTINU/ MUNICIPAL MINOR OFFENCES COURT IN PRISHTINA

Nr.regj. 16950/10

GJYKATA KOMUNALE PËR KUNDËRVAJTJE NË PRISHTINË, duke vendosur në procedurën kundërvajtëse kundër të pandehurit Rafet Rama nga Prishtina, për kundërvajtje nga neni 6 par. 1 dhe 2 e sanksionuar sipas neni 16 paragrafi 1.2 i Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të lartë Publikë dhe Ligji nr. 3/L -151, e në bazë të nenit 73,74,195, 199, të LMK me dt. 29.11.2011 merr këtë:

A K T V E N D I M

I PANDEHURI : Rafet Osman Rama, i lindur më 1971 ne Prekaz K. Sekenderaj, tani më vendbanim në Prishtinë rr. Hilmi Rakovica nr. 36/29, me profesion këshilltar në ministrin e punëve të brendëshme, i gjendjes së mesme ekonomike.

Ë s h t ë p ë r g j e g j ë s

I pandehuri në cilësinë këshilltarit politik në ministrin e punëve të brendëshme, ka qenë i obliguar me ligj që në afatin ligjor deri me 31.03. 2010, ta deklaroi pasurinë e paraparë me ligj, në Agjencionit Kundër Korrupsionit, ku i njëjta nuk e ka deklaruar pasurinë e vetë, të përcaktuar sipas këtij ligji.

Me këtë të ka kryer veprën kundërvajtëse nga **6 par. 1 dhe 2 e sanksionuar sipas 16 paragrafi 1.2 i Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të lartë Publikë dhe Ligji nr. 3/L -151**, andaj për këtë:

G J O B I T E T

Me gjobë në shumë prej 300(treqind) Euro, të cilën gjobë ka për të paguar në afat prej 15 ditësh pasi që aktvendimi të merrë formën e prerë, në dobi të AFQ i drejtësisë në Prishtinë, në gjirologarin rrjedhëse 1000430070000518, nëse gjobën e shqiptuar nuk e paguan në afatin e dhënë e njëjta do të zëvendësohet me dënim burgimi në kohëzgjatje prej 20 ditësh, duke ia llogaritur nga 15 Euro në një ditë burgu.

Shpenzime të procedurës nuk ka pasur, kurse në emër të paushallit gjyqësor është i obliguar të paguaj shumën prej 5 (pesë) Euro, në afat dhe xhirologari të njëjtë me gjobën.

Nga një kopje të këtij aktvendimi ti dorëzohet të pandehurit dhe ushtruesit të kërkesës.

A r s y e t i m

Agjencia Kundër Korrupsionit, parashtrori kërkesën nr.01/2295/10 të dt 08.06.2010 për fillimin e procedurës kundërvajtëse kundër të pandehurit së përmendur më lartë dhe për kundërvajtjen e lartcekur.

Gjatë procedurës u dëgjua i pandehuri i cili në deklaratën e tij, deklaroi se vitin e kaluar kam pranuar një aplikacion dhe nga agjensioni anti korrupsion dhe zyra e ministrisë sonë ku shkruan të dhënat personale janë të Rafet Manaj ku kam kërkuar sqarime se a jam unë ky person apo dikush tjetër dhe prej asaj kohe nuk kam marrë përgjegjëje se a ishte ky aplikacion për mua a po për dikë tjetër dhe pasi që e mua nuk ma sjell aplikacion tjetër me emër dhe mbiemër kam menduar se unë nuk jam personi i cili duhet të mbush ketë formular dhe prej asaj kohe e deri sa jam ftuar në gjykatë asnjë herë nuk kam pasur të dhëna se unë nuk paskam deklaruar pasurinë.

Ne qofse mund të gjejë shkresën të cilën e kemi dërguar në Anti Korupsion do tua sjelli si dëshmi, por nëse nuk e gjejë këtë dëshmi deklaroi se kjo e dhanë është e vërtetë se i kam përket mbiemrit dhe unë nuk ka marrë aplikacion se përndryshe do ta kisha mbushur sikur këtë vit.

Gjyqtari pasi që administroj provat dhe të provuarit e kësaj çështje, në mënyrë të drejtë dhe të plotë vërtetoi gjendjen faktike se i pandehuri ka kryer kundërvajtjen e cila i vihet në barrë, andaj për këtë e shpalli fajtor dhe e dënoi si në diapozitiv të këtij aktvendimi. Me rastin e shqiptimit të dënimit Gjyqtari mori për bazë të gjitha rrethanat e parapara me nenin 7 të Ligjit mbi kundërvajtjet e posaçërisht peshën e kundërvajtjes së bërë, andaj ia shqiptoi këtë lloj të dënimit duke konsideruar se vetëm me këtë do të arrihet efekti pozitiv dhe se në të ardhmen do të shmanget nga kryerja e veprave të këtuilla dhe të ngjashme. andaj u vendos si në diapozitiv të këtij aktvendimi.

VENDOSI GJYKATA KOMUNALE PËR KUNDËRVAJTJE NË PRISHTINË
GJYQTARI PËR KUNDËRVAJTJE

Fatmir Belgrami

KËSHILLA JURIDIKE: Kundër këtij aktvendimi pala dhe ushtruesi i kërkesës ankesë mund të ushtrohet Gjykatës së Lartë për Kundërvajtje në Prishtinë, në afat prej 8 ditësh, prej ditës së marrjes së këtij aktvendimi nëpërmjet të kësaj Gjykate dhe pa taksa.

*Prima në 18.06.2012
019 11:45 Jullioj*